

Bibel tu angka dakdanak patomutomuhon



Si Noak dohot Aek na Sumar



Sinurathon ni: Edward Hughes
Illustrasi sian: Byron Unger; Lazarus
Sinadur ni: M. Maillot; Tammy S.
Nihatabatakxon ni: Marihot Siahaan
Hinaruarhon ni: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2011 Bible for Children, Inc.

Ijin: Manang ise pe, boi do mamotokopi manang pagandahon cerita on,
asal ma unang digadis.

1

Na mangolu marsomba
tu Debata do si Noak.
Sude angka na asing
ndang manghalomohon
jala ndang mangoloi Debata.
Di sada ari, tompu ma didok

Debata
tu si
Noak,
"Lengsehononku
ma portibi
na jahat on.
Holan hamu saripe
ma na malua."



2

Dipabotohon Debata ma tu si Noak, naeng ro ma aek na sumar laho manghuphupi tano on. Ditonahon ma tu si Noak, "Pauli ma parau sian hau, parau na balga na boi pakeonmuna na saripe dohot angka binatang."



3


Dipasahat Debata ma sada parenta tu si Noak. Pintor diulahon si Noak ma sudena i.



4

Diparengkeli natorop i ma si Noak dung dipatorang boasa dipauli ibana parau. Dinunuti si Noak

ma paulihon. Laos tong do dipaboa ibana tu na torop i taringot tu Debata. Alai ndang adong na umbegesa.



5

Balga do haporseaon ni si Noak. Porsea do ibana di Debata, tung pe so hea ro udan andorang so i. Ndang sadia lelung, nunga boi parau I digohi dohot angka bohal.



6

Nuaeng taringot tu angka binatang. Dibuat Debata ma pitu sian angka ragam, dua na asing. Pidong na balga dohot na metmet, angka binatang na metmet dohot na balga mardalan tu parau i.



7

Ra, direhei angka jolma i do si Noak salelung na pamasukhon angka binatang i ibana.




8

Ndang mansohot nasida
mardosai mangalo Debata.
Ndang dipangido nasida
asa dohot masuk
tu parau i.



9


Ujungna, sude ma angka
binatang dohot angka



pidong di
bagasan.
Dijou Debata
ma si Noak,
"Masuk ma ho tu
parau on. Ho dohot
dongan sajabum."

10

Si Noak, tungga
ni boruna,



anakna na
tolu I dohot
angka tungga
ni boru nasida
masuk tu parau i.
Dung I ditutup Debata
ma pintu ni parau i.

11

Dung
i ro ma
udan. Udan
na mansai gogo
manghupupi tano on
saleleng opat pulu ari
opat pulu borngin.


12

Dihupupi
aek na
sumar ma
angka kota dohot
angka huta. Dung
siang udan, angka dolok pe
nunga gabe di toru ni aek.
Mate ma sude na marhosa.




13

Songon parnangkok ni
aek i, songon i ma parau i
mumbang di atas. Olo do
ra holom di bagasan, olo do
ra mangangkati, gari tahe
olo do ra mambahen ro
biar. Alai diondingi parau
i do si Noak sian aek i.



14



Dung salpu lima bulan, ditongos Debata ma alogo na mahiang. Nene, sungkot ma parau i di dolok Arafat. Maringan ma si Noak di bagas parau i opat pulu ari nari hombar tu parsurut ni aek.

15



Dipalua si Noak ma sada pidong sigak dohot sada darapati

sian janjela ni parau i. Alai, ndang jumpangsa inganan na mahiang, gabe mulak ma darapati i tu si Noak.

16




Saminggu nari, diulahi si Noak ma muse. Mulak ma darapati I mamboan bulung ni hau jetun di munsungna. Minggu na mangihut, diboto si Noak ma naung mahiang tano i, ala ndang mulak be darapati i.

17




Dipaboa Debata ma tu si Noak, nunga dapot tingkina maninggalhon parau i. Rap ma si Noak dohot ruma tanggana paruarhon angka binatang i.

18



Marsinggang ma Si Noak marroha mauliare. Dipauli ma langgatan jala dipuji ma Debata naung palua ibana dohot ruma tanggana sian aek na sumar i.

19




Dipasahat Debata ma tu si Noak sada padan na uli. Nandang pamasaoon be aek na sumar laho manguhum angka pardosa.

Dilehon Debata ma tanda ingotingot na balga di janjiNa i. Halibutongan do tanda ni janji ni Debata.


20

Dapot si Noak dohot ruma tanggana ma parmulaan na imbaru dung salpu aek na sumar i.



21

Di tingkina, digohi pomparanna ma sude tano on. Marharoroan sian si Noak dohot anakhonna do sude bangso di portibi on.



22

Si Noak dohot Aek na Sumar

Dapot do sada barita sian hata ni Debata,

ima Bibel,

1 Musa 6-10

"Pangungkapon di angka hataMi do patiur
parnidaan." Psalmen 119:130

23

Ujungna



3



60

24

Dipabotohon Carita Bibel on tu hita taringot tu Debata na sun hinagogo, na manompa jala na manghasiholi ho asa mananda Ibana.

Diboto Debata do naung taulahon angka na roa, i ma dosa. Hamatean do uhum ni dosa, alai mansai holong do roha ni Debata di Ho, i do umbahen na ditongos AnakNa na sasada i, Jesus. Nunga mate tarsilang jala hona uhum Ibana ala ni dosam. Dung i mulak mangolu ma Ibana, jala mulak muse tu Banua Ginjang! Molo porsea ho di Jesus jala dipangido roham asa disesa dosam, sai na patupaonNa do i! Ro do Ibana jala mian di bagasan ho saonari, dung i mangolu ma ho rap dohot Ibana ro di salelengna.

Molo porsea do ho di hasintongan on, dok ma songon on tu Debata:
O Jesus, porsea do ahu na Debata do Ho, jala naung gabe jolma.
Naung mate do Ho ala ni dosangu, alai nuaeng mulak mangolu do Ho.
Ro ma Ho tu ngolungku jala sesa ma dosangu, asa dapot ahu ngolu na imbaru, jala molo ro tingkina, gabe rap ahu dohot Ho ro di salelengna.
Urupi ma ahu mangoloi Ho jala mangolu di Ho songon anakhonMu.
Amen.

Jaha ma Bibel i jala manghatai ma ho dohot Debata ganup ari!
Johannes 3:16

25